

LOCAL
BON DIA

Aruba

Cooperacion estrecho entre sector priva y publico ta produci exito na Hadicurari

Trabounan di construccin riba Centro di Pesca nobo a cuminsa



Cooperacion estrecho entre sector priva y publico ta produci exito na Hadicurari

Trabounan di construccion riba Centro di Pesca nobo a cuminsa



E colorido "botonan di piscado crioyo" lo permanece como parti di e paisahe di lama na Marriott su Aruba Surf Club, danki na un acuerdo historico di Hadicurari MCVI lo financia e construccion di un centro di pesca y un pier nobo, como tambe ehecuta restauracion di e area di beach publico.

PALM BEACH – Un pida di bida tradicional di Aruba lo keda preserva denter di e coridor di turismo creciente, cu e marcha di e acuerdo historico pa un Centro di Pesca Hadicurari y pier nobo y mehora. E ceremonia a señala inicio di construccion pa e structuranan nobo, cu expectativa cu un centro y pier cu mas y mihor facilidad lo por ta cla entre fin di e aña aki y maart, 2007. Fundacion Centro di Pesca Hadicurari, Gobierno di Aruba – específicamente Departamento di Agricultura, Cria y (LVV), Departamento di obra publico (DOW), Departamento di Infraestructura y Planificaciong (DIP), Kadaster (DLV), Ministerio di Cultura y Ministerio di Infraestructura -- y Marriott Vacation Club International (MVC), a traha incansablemente pa

yega e punto aki, segurando e piscadornan di Aruba y particularmente di Noord, cu nan lo por sigui practica nan ofishi na Seco di Coco manera e lugar ei ta originalmente yama (awor conoci como Palm Beach).

Habriendo caminda pa e inicio di construccion aki tabata, e formalisacion di e acuerdo firma pa tur partido envolvi aña pasa. Cu construccion di un centro di pesca y pier nobo, e piscadonan di noord lo mantene nan acceso pa nan area di mara boto y pisca tradicional gosando awor di facilidadnan cu mihor lo acapara nan necesidadnan mientras cu tanto Marriott su Aruba Surf Club su propietarioan di timeshare, bishitantenan como comunidad en general, lo beneficia di un beach mas

amplio y beneficianan di proteccion ambiental cu ta incorpora den e plan.

"E construccion cu ta inicia awe ta representa progreso. E forma di traha integralmente aki, conectando varios aspecto y instancianan hunto den trece un solo pakete cu solucionnan den un proyecto ta un proceso largo y complica, pero ta uno cu mi ta kere cu lo produci e mihor beneficianan pa tur hende involvi a largo plaso" asina biologo marino y consehero di Ministerio di Cultura, Byron Boekhoudt, a comenta. "Cu e realisacion di e acuerdo y cu e construccion avansando, e proyecto ta impone e norma nobo y progresivo pa con por integra recursonan tradicional cultural pa complementa Aruba su industria di turismo y mundo hotelero."

E Centro di Pesca Hadicurari nobo lo ta substancialmente grandi, cu un edificio di dos piso cu ta inclui espacio di oficina, baño, berghok pa piscador, restaurant, bar y lugar pa sinta come, como tambe espacio pa parkeer pa usuarioan di e centro. Cu estudionan ambiental completa, re-construccion di e pier y kitamento di e kibra ola, tambe lo sigui dilanti. E centro di pesca cu su pier nobo, lo remplaza structuranan existente y reconstrui esakinan djis un poco pazuid di e localidad actual. MVCI a compromete su mes pa funda henter proyecto.



Un ceremonia di groundbreaking, comparti entre representantenan di Fundacion Centro di Pesca Hadicurari, Marriott Vacation Club International y Gobierno di Aruba, a marca e inicio oficial di un edificio di dos piso y pier nobo pa e Centro di Pesca Hadicurari.

"E proyecto pa en lina cu nos filosofia di 'Spirit to Serve' pa taunmiembro contribuyentena comunidad den cual Marriott Vacation Club International ta forma parti," asina MVCI su VP di Asset Management, Jim Shonkwilera declara. "MVCI ta busca pa desaroya relacionnan duradero, como tambe interaccion denter di su comunidad."

Marriott Vacation Club International ta un lider reconocí mundialmente den desaroyo, operacion y benta di timeshare resorts. Un miembro di e industria desde 1984, e 48 propiedadnan di MVCI rond mundo ta ofrece

un bida largo di recuerdonan di vacacion. Ademá di provee propiedadnan di timeshare di alto calidad na Aruba, representa dor di Marriott su Aruba Ocean Club y Marriott su Aruba Surf Club, MVCI tambe a entama pa realiza iniciativanan social, contanto ademá di e acuerdo di centro Hadicurari y proyecto di restauracion di beach, tambe a haci un donacion di 2 milyon florin na Universidad di Aruba y a establece e MVCI Community Welfare Foundation, esta un fundacion cu ta envolvi empleadonan di MVCI den actividadnan caritativo.

